

Ma u baahan tahay warqad codbixin beddelaad ah?

Haddii warqaddaada codbixinta ay dhunto ama xumaato, waxaad daabacan kartaa mid beddelaad ah adigoo isticmaalaaya Barnaamijka Calaamadaynta Warqadda Codbixinta ee Oonleena (Online Ballot Marking Program, OBMP). Isticmaalka OBMP, waxaad ku heli kartaa oo aad daabacan kartaa warqad codbixin beddelaad ah adigoo jooga guriga, maktabadda, ama meel walba oo ku habboon.

OBMP waxaa loogu talagalay inuu u oggolaado codbixiyeyaasha naafada ah, oo ay ku jiraan kuwa indhooleyaasha ah ama uu araggoodu hooseeyo, inay warqaddooda codbixinta si qarsoodi ah u calaamadaystaan. Waxaa heli kara dhammaan codbixiyeyaasha diiwaan gashan.



Sida loo isticmaalo Barnaamijka Calaamadaynta Warqadda Codbixinta ee Oonleena

- Tag halka kingcounty.gov/elections/obmp.
- Macluumaadkaaga geli foomka.
- Ku calaamadee dookhyadaada warqadda codbixinta oonleena oo ka dibna daabac warqaddaada codbixinta ee aad buuxisay.
- AMA
- Daabac warqaddaada codbixinta oo ka dibna gacanta ku calaamadee.
- Hubi in warqaddaada codbixinta si sax ah aad u calaamadaysay.
- Ku soo celi warqaddaada codbixinta sida caadiga ah, halka sanduuqa lagu rido warqadda codbixinta ama adoo soo marsiinaaya boostada.
- Lacagta boostada looma baahna haddii aad isticmaasho xaashida lifaaqa bakhshadda ee la socota marka aad daabacaysa warqaddaada codbixinta.

Nala soo xiriir si aad u hesho buug-yarahaan oo qaab kale ah.

Contact us to receive your voting materials in Chinese, Korean, Russian, Somali, Spanish or Vietnamese.

如需獲取您的中文投票資訊，請與我們聯絡。

한국어로 투표 자료를 받으시려면 저희에게 연락하세요.

Свяжитесь с нами, чтобы получать материалы для голосования на русском.

Nala soo xiriir si aad u hesho agabkaaga codeynta oo ku qoran Af-Soomaali.

Comuníquese con nosotros para recibir sus materiales de votación en español.

Xin vui lòng liên lạc với Sở Bầu cử Quận King để nhận tài liệu bầu cử bằng tiếng Việt.



Haddii aad u baahan tahay caawinaad dheeraad ah ama hab kale oo aad u dhiibato warqaddaada codbixinta, fadlan kala xiriir xafiiskeena halka 206-296-VOTE (8683).


Doorashada Gaarka ah ee Abriil 22, 2025

Degmada King Buug-yaraha Codbixiyeyaasha Deegaanka ee Rasmiga ah

sida ay codsadeen Degmada King iyo Degmada Dugsiga Enumclaw Lr. 216

Saxiixo si aad u hesho digniimaha warqadda codbixinta!

Hel qoraallo taleefan ama iimeelyo ah marka warqaddaada codbixinta la sii habeynaayo oo la tiriyo. Iska qor halka kce.wiki/TrackMyBallot.



Is diiwaan geli si aad u codeyso



Oonleena: Booqo VoteWA.gov si aad oonleena iskaga diiwaan geliso oo aad u codeyso. Wakhtiga kama dambeysta ah ee is diiwaan gelinta oonleena ee ku aaddan Doorashada Gaarka ah ee Abriil waa Abriil 14.



Boostada: Ka soo degso oo daabaco foomka diiwaan gelinta halka kce.wiki/VoterReg oo boostada ugu dir Doorashooyinka Degmada King: **919 SW Grady Way, Renton, WA 98057**. Waa in la helaa ugu dambeyn Abriil 14.



Shakhsi ahaan: Waxaad shakhsi ahaan iskaga diiwaan gelin kartaa halka xarunta guud ee Doorashooyinka Degmada King ilaa iyo Abriil 22, Maalinta Doorashada. Wixii macluumaad dheeraad ah oo ku saabsan saacadaha iyo adeegyada waxaad ka heli kartaa halka kingcounty.gov/elections.


! Doorashadaan, waxaad haysataa fursado!

Doorashadaan oo keliya, waxaad aqoonsigaaga ka xaqiijin kartaa oonleena!

Ma doorbidaysaa inaad saxiixdo? Taasina waa suurtagal. Waxaad u baahan tahay oo keliya inaad samayso midkood.


Booqo kce.wiki/verify oo raac tilmaamaha oonleena.

Ma u baahan tahay caawinaad? Nagala soo xiriir 206-296-VOTE (8683) ama elections@kingcounty.gov.



kce.wiki/verify

Barro wax dheeraad ah oo ku saabsan sanduuqyada lagu rido, xarumaha codbixinta, iyo in ka badan!



Waxaan halkaan u joogaa in aan caawino!

Shaqalaha doorashooyinka ayaa kaa caawini kara inaad is diiwaan geliso oo aad hesho warqad codbixin cusub ilaa iyo Maalinta Doorashada. Ma u baahan tahay warqad codbixin beddelaad ah oo ma rabtaa inaad si gaar ah u calaamadaysa warqaddaada codbixinta? Ka hel warqaddaada codbixinta oonleena barta kingcounty.gov/elections/obmp si aad uga faa'iidayso Barnaamijka Calaamadaynta Warqadda Codbixinta ee Oonleena.

Warqaddaada codbixinta waxaa ku duuban macluumaad muhiim ah oo ku saabsan sida loo soo celiyo warqaddaada codbixinta, helitaanka caawinaadda, iyo wax dheeraad ah. Iska xaqiiji inaad lifaaqa warqaddaada codbixinta ka eegto:

- Shanta sanduuq ee lagu rido warqadda codbixinta ee kuugu dhow
- Halkee laga heli karaa caawinaad shakhsi ahaanneed
- Sida loo daabaco warqaddaada codbixinta haddii taada lunto ama burburto.



Yaa deeq ku bixiya oleyaasha?

Eeg ku-deeqyaasha musharaxiinta iyo cabbirrada sharciga ee gobolka iyo deegaanka:

Guddiga Kashifaadda Dadweynaha

www.pdc.wa.gov | Wicitaanka Lacag La'aanta 1-877-601-2828

206-296-VOTE (8683)
elections@kingcounty.gov
kingcounty.gov/elections

Baraheena Bulshada
[@kcelections](https://www.facebook.com/kcelections)
[Instagram](https://www.instagram.com/kcelections) [LinkedIn](https://www.linkedin.com/company/kcelections) [YouTube](https://www.youtube.com/channel/UCkcelections)



Soo Jeedinta Lr. 1

Canshuurta Nidaam Goboleedka Aqoonsiga Sawirka Faraha ee Otomaatigga ah (AFIS)

Golaha Degmada King ayaa ansixiyay Xeerka Lr. 19884 ee khuseeya soo jeedintaan la xiriirta canshuurta nidaam goboleedka aqoonsiga sawirka faraha ee otomaatigga ah (AFIS). Soo jeedintaan waxay maalgelin doontaa sii wadidda hawlgalka barnaamijka AFIS si loo bixiyo teknoloojiyad iyo adeegyo casri ah oo lagu baaro sawirka faraha iyo calaacasha si ay gacan uga geystaan maamulidda caddaaladda. Waxay oggolaanaysaa canshuur hanti dheeraad ah oo muddo toddoba sanno ah laga bilaabo 2026 oo ah \$0.0275 ka mid ah \$1,000 ee qiimeynta la qiimeeyay, iyadoo la adeegsanayo caddadka canshuurta ee 2026 si loo xisaabiyo xaddidaadyada ku xusan Cutubka 84.55 RCW ee ku aaddan canshuuraha ku xiga ee sannadaha 2027-2032, lagana dhaafayo waayeellada, halyeeyadii hore, iyo dadka naafada ah ee u qalma sida ku xusan RCW 84.36.381. Ma tahay in soo jeedintaan la:

Ansixiyo

Diido

Qoraalka cabbirkan oo dhammaystiran ayaa laga heli karaa laga bilaabo bogga 5-aad.



Waxaad u codeynaysaa inaad
Ansixiso ama Diido
Soo Jeedinta Lr. 1

Shuruudaha ansixinta: Aqlabiyad fudud (RCW 84.55.050)

Bayaanka sharaxaadda

Soo jeedintaan waxay Degmada King dib ugu oggolaan doonta in ay soo rogto canshuurta hantida caadiga ah oo dheeraad ah si loo taageero sii wadidda hawlgalka iyo kor-u-qaadidda barnaamijka nidaam goboleedka aqoonsiga sawirka faraha ee otomaatigga ah (AFIS) waxayna beddeli doontaa canshuurtii ay ansixiyeen codbixiyeyaasha ee wakhtigeedu dhammaaday 31-ka Diseembar, 2024. Barnaamijka AFIS waxaa loogu talagalay in lagu horumariyo awoodda hey'adaha sharci fulinta ee Degmada King gudaheeda si ay gacan uga geystaan maamulidda caddaaladda. Waxyaabaha kale waxaa ka mid ah, barnaamijka AFIS waxaa uu bixiyaa adeegyo iyo teknoloojiyad casri ah oo lagu baaro aqoonsiga sawirka faraha iyo calaacasha.

Canshuurta la soo jeediyay waxaa loo ansixin doonaa muddo toddoba sanno ah, iyada oo ururinta ay bilaaban doonto 2026. Inta lagu jiro sannadka koowaad, canshuurta waxaa lagu soo rogi doonaa heer dhan 2.75 senti (\$0.0275) ama ka yar ee ka mid ah kunkii doolar (\$1,000) ee qiimeynta la qiimeeyay ee dhammaan hantida la canshuuri karo ee gudaha Degmada King. Tusaale ahaan, guri lagu qiimeeyay \$885,000 sannadka 2026, waxa uu bixin doonaa caddadka canshuurta oo ah ugu badnaan \$24.34 sannadka koowaad. Kordhinta sannadlaha ah ee lixda sanno ee ku xiga ayaa lagu xaddidi doonaa heerka sharciga ah ee lagu qeexay cutubka 84.55 RCW. Waayeellada, halyeeyadii hore, iyo kuwa naafada ah ee u qalma ayaa xaq u yeelan doona in laga dhaafo canshuurtaan sida ku xusan RCW 84.36.381.

Soo Jeedinta Lr. 1 waxay sii wadi doontaa jiritaanka Guddiga La-talinta AFIS-ka.

Wixii su'aalo ah ee aad ka qabto cabbirkan, la xiriir:

Mike Leahy
Maamule Goboleedka AFIS
(206) 263-2750
michael.leahy@kingcounty.gov

Bayaanka lagu taageerayo

Patti Cole-Tindall, Pete von Reichbauer, Jon Schuldt
yesforAFIS2025@gmail.com

Ku dhawwaad muddo 40 sanno, Nidaam Goboleedka Aqoonsiga Sawirka Faraha ee Otomaatigga ah (AFIS) ee Degmada King wuxuu ahaa qalab baaris oo lagama maarmaan u ah dagaalka looga soo horjeedo dambiyada. AFIS wuxuu door muhiim ah ka ciyaaray xallinta kiisaska kala duwan laga bilaabo dambiyada rabshadaha wata ilaa iyo jabsashada, oo codkaaga haa ahna wuxuu sii wadi doonaa awoodda in dhibaneyaasha iyo qoysaskooda la siiyo gabagabayn.

Iyadoo la adeegsanayo teknoloojiyad casri oo isbarbardhig ah, AFIS wuxuu hubiyaa in la helo aqoonsiga saxda ah si dhaqso leh ee dadka lasoo xiray, codsadeyaasha, iyo tuhmaneyaal dambiyeedka. Maadaama uu yahay barnaamij lagu maalgeliyo heer goboleed, dhammaan hey'adaha sharci fulinta ee Degmada King waxay si wadajir ah u wadaagaan helitaanka adeegyadaan baarista oo qiimo jaban ah marka loo eego haddii ay iyaga si gaar ah u maalgelin lahaayeen.

Barnaamijka AFIS wuxuu muujiyay maamul maaliyadeed oo mas'uul ah, wuxuuna iyada oo loo maraayo maamulid dhaqaale oo taxaddar leh, awoodday in canshuurtii lixda sanno ahayd uu sii dheereeyo hal sanno oo dheeraad ah. Guushaan waxay caddeynaysaa in barnaamijku si hufan u adeegsado kheyraadka oo laguna aaminni karo qaybinta doolarkeena canshuurta.

Ku codeynta haa si dib loogu cusboonaysiiyo canshuurta AFIS waa maalgelin lagu samaynayo bulsho ammaan ah. Waxay taageertaa qalab la caddeeyay inuu xoojiyo baaritaanka dambiyada, hubiyo dedejinta xallinta kiisaska, isla markaana kor u qaado dareenka nabadgelyada ee dhammaan deganeyaasha. Aan sii wadno ka faa'iidaysiga barnaamijkan lama huraanka ah oo aan taageerno caddaaladda gudaha Degmada King. Fadlan, ku codee haa ee Soo Jeedinta 1-aad.

Bayaanka looga soo horjeedo

Wax bayaan ah lama soo gudbin.

Bayaanka lagu taageerayo ama ka soo horjeeda cabbirka ama hindisaha warqadda codbixinta waxaa soo gudbiya guddiyo ay magacaabeen maamulka xukunka. Ma jirin cid u soo baxday inay ka mid noqdaan guddiga iyo inay qoraan bayaan mucaaradnimo. Haddii aad jeclaan lahayd inaad mustaqbalka la shaqeyso guddi fadlan la xiriir maamulka xukunka.

Soo Jeedinta Lr. 1

Canshuurta Maalgelinta Mashaariicda

Guddiga Agaasimeyaasha ee Degmada Dugsiga Enumclaw Lr. 216 ayaa hirgeliyay Qaraarka Lr. 1139 ee khuseeya soo jeedin canshuur maalgelin ah. Soo jeedintaan waxay Degmada u oggolaanaysaa inay canshuur ku soo rogto canshuuraha xad dhaafka ah ee dhammaan hantida la canshuuri karo ee gudaha Degmada si loogu dayactiro, loo beddelo loona horumariyo xarumaha hore u jira ee Degmada:

Sannadaha Ururinta	Qiimaha Canshuurta ee La Qiyaasay/\$1,000 ee Qiimeynta La Qiimeeyay	Caddadka Canshuurta
2026	\$0.37	\$3,000,000
2027	\$0.36	\$3,000,000
2028	\$0.34	\$3,000,000
2029	\$0.33	\$3,000,000

Ma tahay in soo jeedintaan la ansixiyo?

Haa

Maya

Qoraalka buuxa ee cabbirkan ayaa laga heli karaa Xafiiska Doorashooyinka ama oonleenka barta kingcounty.gov/elections.



Waxaad u codeynaysaa **Haa ama Maya** ee Soo Jeedinta Lr. 1

Shuruudaha ansixinta: Aqlabiyad fudud (Dastuurka Washington, qodobka VII, qaybta 2(a))

Bayaanka sharaxaadda

Ansixinta Soo Jeedinta Lr. 1 waxay Degmada Dugsiga Enumclaw u oggolaanaysaa inay maalgeliso maalgelinta horumarinnada ku aaddan xarumaha waxbarashada ee degmada oo dhan. Lacagaha laga soo ururiyo canshuurtaan waxay taageeri doonaan dayactirka lagama maarmaanka ah iyo mashaariicda horumarinta ee uusan Gobolku maalgelin. Haddii codbixiyeyaashu ansixiyaan soo jeedintaan, Degmadu waxay lacagaha canshuurta u isticmaali doontaa si ay u samayso horumarinnada caafimaadka iyo ammaanka ardayga ee degmada oo dhan, oo ay ku jiraan casriyaynta nidaamyada kontoroolada gelitaanka elektarooniga ah iyo alaarmiga; beddelka nidaamyada HVAC; beddelka qalabka jikada ee degmada oo dhan; iyo casriyaynta qalabka raadiyeyaasha isgaarsiinta iyo rakibidda qalabka GPS-ka ee basaska dugsiga. Degmadu waxay sidoo kale lacagaha canshuurta u isticmaali doontaa horumarinnada xarumaha si loo dheereeyo waxtarka cimriga dugsiyo dhowr ah iyo xarumaha taageerada, oo ay ku jiraan horumarinnada iyo beddelaadda saqafka; rakibidda nalal tamar-waxtar leh; beddelka kulayliyeyaasha, matoorada, kulayliyeyaasha biyaha, faalfeyaasha xiritaanka, iyo qalabyo kale oo kala duwan oo laga fuliyo degmada oo dhan.

Canshuurta la soo jeediyay waxay u oggolaanaysaa ururinta canshuuraha si loo soo saaro ilaa iyo \$3,000,000 sannadkii laga bilaabo 2026 ilaa iyo 2029. Ayadoo lagu salaynaayo macluumaadka qiimeynta la qiimeeyay ee la saadaaliyay, Degmadu waxay heerarka canshuurta ku qiyaasaysaa \$0.37 ka mid ah \$1,000 ee qiimeynta la qiimeeyay oo la ururinayo 2026, \$0.36 ka mid ah \$1,000 ee qiimeynta la qiimeeyay oo la ururinayo 2027, \$0.34 ka mid ah \$1,000 ee qiimeynta la qiimeeyay oo la ururinayo 2028, iyo \$0.33 ka mid ah \$1,000 ee qiimeynta la qiimeeyay oo la ururinayo 2029.

Ka dhaafitaannada canshuurta ayay heli karaan mulkiileyaasha guryaha ee 61 jirka ah ama ka weyn, ama naafada ah, oo buuxsha qaar ka mid ah shuruudaha dakhliga. Si aad u hesho macluumaad la xiriira ka dhaafitaannada, ka wac Qiimeeyaha Degmada King taleefanka (206) 296-7300.

Wixii su'aalo ah ee aad ka qabto cabbirkan, la xirii:

Jessica McCartney
 Agaasimaha Isgaarsiinta
 (360) 802-7109
 jessica_mccartney@enumclaw.wednet.edu

Bayaanka lagu taageerayo

Andre Koch
 www.yes4rkids.com

Canshuurtaan waxay 5% ka yar tahay codsigii curaarta ee Febraayo 2023 (\$12 milyan marka loo eego \$253.2 milyan). Ardayda ku jirta dhammaan siddeedda dhismooyinka dugsi ayaa ka faa'iideysan doona jawi waxbarasho oo horumaray. 31-ka dayactir ayaa wax ka qabanaya saqafiyada biyaha daadinaya, kulayliyeyaasha biyaha ee sii xumaanaya, nidaamyada kulayliyaha ee jabsan, qalabka alaarmiga wakhtigoodii dhammaaday iyo wax badan oo dheeraad ah.

Codsiyada labada curaar ee fashilmay gudaha 2023, guddi muwaadiniin ah ayaa baaray baahiyaha xarumaha ee degmada oo dhan. Baaritaankani waxa uu horseeday in la aqoonsado mashaariicda lagu daray canshuurta oo ka tarjumaysa baahiyaha degdegga ah si loo hubiyo in ardaydeenu ay helaan goobo waxbarasho oo ammaan ah, diiran, iyo qalalan.

Natiijadii kale ee muhiimka ahayd ee ka soo baxday guddigaan waxay ahayd ballanqaadkii degmadu oo ahayd inay muwaadiniinta ka dhigaan kuwo gacan ku leh mashaariicda maalgelinta ee mustaqbalka. Guddiga kormeerka muwaadiniinta ayaa ku dari doona lakabka hufnaanta waxayna hubin doonaan dhammaystirka mashruuca iyo maamulidda mas'uulka ah ee doolarkaaga canshuurta.

Canshuurta ayaa beddeli doonta oo cusboonaysiin doonta nidaamyada dhismo oo badan oo dhaafay cimrigooda loogu talagalay inay shaqeeyaan. Dugsiga Hoose ee Kibler waa 73 jir wuxuuna si degdeg ah ugu baahan yahay saqaf cusub. JJ Smith, Dugsiga Hoose ee Westwood, iyo EHS sidoo kale waxay u baahan yihiin beddelka saqafka. Nidaamyada cusub ee HVAC ee Dugsiga Hoose ee Southwood iyo EHS ayaa loo baahan yahay si ay u beddelaan nidaamyada jabay, ee duugoobay ee sababa in fasalladu ay noqdaan kuwo aad u qaboow.

Kulayliyeyaasha biyaha kulul ee afartan sanno jirka ah ee halka EMS waxay u baahan yihiin in lagu beddelo nidaamyada tamarta waxtarka leh. TMMS iyo Southwood waxay sidoo kale u baahan yihiin kulayliyeyaasha biyaha cusub. Nidaamyada nalalka ee dhowr dugsi oo aan hadda lahayn qaybo la beddeli karo waxay u baahan yihiin in lagu beddelo nalalka LED-ka ee ka ammaansan kana qiimo jaban.

Sida keliya ee arrimahaas wax looga qaban karaa waa in bulshadu midoobaan oo ay carruurteena ugu Codeeyaan Haa! Si aad u akhriso liiska mashruucyada oo dhammaystiran, eeg webseedyada soo socda: www.enumclaw.wednet.edu/page/critical-maintenance-levy-2025 iyo www.Yes4rKids.com

Bayaanka looga soo horjeedo

Wax bayaan ah lama soo gudbin. Bayaanka lagu taageerayo ama ka soo horjeeda cabbirka ama hindisaha warqadda codbixinta waxaa soo gudbiya guddiyo ay magacaabeen maamulka xukunka. Ma jirin cid u soo baxday inay ka mid noqdaan guddiga iyo inay qoraan bayaan mucaaradnimo. Haddii aad jeclaan lahayd inaad mustaqbalka la shaqeyso guddi fadlan la xiriir maamulka xukunka.

